

## 6. gr.

Reglugerð þessi er sett skv. heimild í 53. gr., 53. gr. A og 75. gr. laga nr. 99/1993 um framleiðslu, verðlagningu og sölu á búvörum, með síðari breytingum, og öðlast þegar gildir og gildir til 1. júlí 1998.

*Landbúnaðarráðuneytinu, 26. nóvember 1997.*

**Guðmundur Bjarnason.**

*Jón Höskuldsson.*

24. nóvember 1997

Nr. 662

## AUGLÝSING

### um skráningu farmflytjenda á innfluttum og útfluttum vörum og skil á farmskrám.

## 1. gr.

Farmflytjendur skulu gefa öllum vörusendingum sem þeir flytja til og frá landinu sérstakt sendingarnúmer sem innflytjendur og útflytjendur eiga að tilgreina í aðflutnings- eða útflutningsskýrslu.

Sendingarnúmerið skulu farmflytjendur tilgreina í farmskrá við hverja vörusendingu sem flutt er til eða frá landinu, með sérhverju farmskránumeri sjálfstæðrar vörusendingar, til aðgreiningar frá öllum öðrum sendingum sem flutningsfar flytur.

## 2. gr.

Sendingarnúmer er 19 stafa tala sem greinist í átta þætti sem hér segir:

Til skýringar er sendingarnúmerið sýnt hér samsett úr 19 bókstöfum, sem skipt er upp í átta bókstafaþætti sem hafa hver sína merkingu, þ.e. A-BBB-CCCC-D-EE-FFF-GGGG-H.

1. **A = Farmflytjandi.** Hvert skipafélag eða flugfélag skal hafa ákveðið ták. Smærri farmflytjendur (t.d. fiskiskip) skulu þó vera nokkrir saman um ták. Táknnum úthlutar ríkistollstjóri samkvæmt beiðni viðkomandi farmflytjanda.
2. **BBB = Flutningsfar.** Skammstöfun fyrir flutningsfar er þrjú stafir, bókstafir eða tölustafir. Farmflytjendur skulu ákveða sínar skammstafanir sjálfir og nota alltaf eina og sömu skammstöfunina fyrir sama flutningsfar óháð skammstöfunum hjá öðrum farmflytjendum. Innlendir farmflytjendur og umboðsmenn erlendra farmflytjenda skulu tilkynna ríkistollstjóra um þær skammstafanir sem orðið hafa fyrir valinu. Ríkistollstjóri mun hins vegar úthluta smærri farmflytjendum skammstöfun fyrir flutningsför þeirra.
3. **CCCC = Komudagur eða brottfarardagur,** eftir því sem við á. Fyrstu tveir bókstafirnir tákna mánaðardag en tveir þeir síðustu tákna mánuðinn.
4. **D = Ár.** Tilgreina skal síðasta tölustaf viðkomandi árs.
5. **EE = Hleðsluland.** Tilgreina skal með skammstöfun samkvæmt LOCODE (staðall Sam-einuðu þjóðanna) viðkomandi hleðsluland. Tollstjórar skulu veita farmflytjendum upplýsingar um staðal þennan samkvæmt nánari fyrirætlum ríkistollstjóra.
6. **FFF = Hleðslustaður.** Tilgreina skal með skammstöfun samkvæmt LOCODE-staðli síðasta hleðslustað vörunnar í flutningsfar sem flytur vöru til eða frá landinu.
7. **GGGG = Númer sendingar** (farmskránumer vegna skipsfarms en innfærslunúmer í innfærslubók flugfélaga vegna flugfarms). Tilgreina skal töluröð sendingar innan hleðslustaðar fyrir hverja ferð.
8. **H = Til prófunar.** Aðeins þeir farmflytjendur sem vinna farmskrár í tölvum þurfa að rita þessa tölu eða bókstaf.

## 3. gr.

Farmflytjendur, sem vinna farmskrár sínar í tölvum, skulu skila þeim í tölvutæku formi til embættis ríkistollstjóra samkvæmt nánari fyrirmælum sem ríkistollstjóri setur.

## 4. gr.

Farmflytjendur skulu tilgreina sendingarnúmer í flutningsgjaldsreikningum eða tilkynningum sem þeir gefa út vegna viðkomandi vörusendingar.

## 5. gr.

Tollstjórar skulu skila farmskrám, sem eru í skriflegu formi (pappírsfarmskrám), til endurskoðunardeildar embættis ríkistollstjóra innan viku frá því að flutningsfar tekur eða lætur úr höfn. Tollstjórar skulu innan viku frá tollafgreiðsludegi skila endurskoðunardeild embættis ríkistollstjóra aðflutnings- og útflutningsskjölum sem skilað hefur verið í skriflegu formi (pappírstollskjölum) vegna tollafgreiðslu á vörum.

## 6. gr.

Auglýsing þessi, sem sett er með vísan til 14., 15., 53. og 121. gr. tollalaga nr. 55, 30. mars 1987, með síðari breytingum, öðlast gildi frá og með 1. janúar 1998. Frá sama tíma falla úr gildi fyrirmæli samkvæmt auglýsingu nr. 566/1987 um sama efni.

*Ákvæði til bráðabirgða.*

Öðrum farmflytjendum en um ræðir í 3. gr. er heimilt til 1. janúar árið 2000 að skila viðkomandi tollstjóra farmskrám í skriflegu formi (pappírsfarmskrám) í tvíriti yfir vörur sem eru á skrá til tollumdæmis hans, sbr. m.a. bráðabirgðaákvæði tollalaga nr. 55/1987 og lög nr. 69/1996 um breyting á þeim.

*Ríkistollstjóri, 24. nóvember 1997.*

**Sigurgeir A. Jónsson.**

**AUGLÝSING**

**um staðfestingu á samkomulagi milli Garðabæjar,  
Kópavogskaupstaðar og Bessastaðahrepps um breytt  
mörk sveitarfélaganna í Skerjafirði.**

Á grundvelli 2. mgr. 3. gr. sveitarstjórnarlaga nr. 8/1986 hefur félagsmálaráðuneytið hinn 21. nóvember 1997 staðfest samkomulag milli Garðabæjar, Kópavogskaupstaðar og Bessastaðahrepps um breytt mörk sveitarfélaganna í Skerjafirði, sbr. samning milli sveitarstjórna framangreindra sveitarfélaga, dags. 7. nóvember 1997.

Í samningnum segir svo:

„Undirritaðir, bjarstjórinn í Kópavogi, fyrir hönd bjarstjórnar Kópavogs, bjarstjórinn í Garðabæ, fyrir hönd bjarstjórnar Garðabæjar og sveitarstjórinn í Bessastaðahreppi, fyrir hönd hreppsnefndar Bessastaðahrepps, gerum með okkur eftirfarandi samning um lög-sagnarumdæmamörk í Skerjafirði. Mörkin ákvarðast með hnitum í hnitakerfi Reykjavíkur frá 1951 eins og sýnt er á meðfylgjandi uppdrætti gerðum á tæknideild Kópavogs, dags. 25. mars 1997.